

nisi forsā vitæ cultu, libens concedit. Au-
 thoritate Parlamentaria *Molingar*, quod quasi
 in medio jacet, caput & primum Comitatus
 Opidum constitutum fuit, & tota regio in
 XII Centurias sive Baronias distincta, scilicet
Fertulogh, ubi Tirelli, *Ferbille*, ubi Darcii inco-
 lunt; *Delvin*, quæ clarissimam *Nogentorum* ex An-
 glia familiam Baronis Parlamentarii titulo ex-
 ornat, qui à Gilberto *Nogent* enati quem Hugo
Lacy Mediæ expugnator, hisce & *Fourrie* late-
 fundiis ob operam Hibernico bello animose
 navatam muneravit (ut prodidit eruditissimus
 ille nobilis Richardus *Stanibursius*) *Fourria* illa
 uti etiam *Corkery* ubi *Nogenti* agunt; *Moyassell*,
 ubi *Tuti* & *Nogenti*; *Magbertiennan*, ubi *Petiti* &
Tuti plurimi, *Moygoisy*, ubi *Tuti* & *Nangli*; *Ratch-*
comire, ubi *Daltoni*; *Magirquirke*, ubi *Dilloni*; om-
 nes Anglica stirpe, *Clonlolan*, ubi *O-Malaghlin*,
 è regum *Mediæ* stirpe; *Moicassell*, ubi *Mago higans*
 meri Hibernici rerum potiuntur, alique quo-
 rum nomina barbarum quiddam strepunt, quæ
 tamen ut Martialis cum barbara quædam Hi-
 spanica locorum nomina recensuisset ipse Hi-
 spanus dixit, se illa tamen malle quam Britan-
 nica, ita hæc malunt Hibernici quam Anglica,
 adeo ut è magnatibus quidam dixerit, se nullo
 modo Anglicam linguam velle ediscere, ne
 Anglice loquendo os sibi distorqueretur. Ira
 sua cuique etiam cum aliorum contemptu
 perpulchra videntur, & nimio plus perplac-
 cent.

Mediæ suos quondam habuit Reges sive po-
 tius Regulos, Slaniusque Hiberniæ Monarcha,
 ut proditum est, ad mensam Regiam instru-
 endam ejus proventus assignari iussit. Cum au-
 tem Angli pedem in Hibernia fixissent, Hugo
Lacy maximam ejus partem subjugavit, illique
 in feodum concessit Rex Henricus Secundus,
Dominumque de Mediæ dixit, qui dum *Dervartha*
 castrum conderet, & inclinato capite Hiber-
 nico fabro quid agendum præscriberet, ab eo
 securi in collum impacta obruncatus erat. Ille
 duos filios suscepit Hugonem Comitem *Vlto-*
nia, de quo postea, & Walterum Dominum de
Trim, qui Gilbertum superstitem patre defun-
 ctum genuit. Per Gilberti autem filias Mar-
 garetam & Matildem altera pars per *Genevill-*
los, quos ex familia Lotharingica fuisse pro-
 dunt, & *Mortuomarios* ad Duces Eboracenses,
 & inde in *Domanium* regium devenit. Petrus
 enim de *Genevill* ex illa Matilde natus Ioannam
 Rogerò de *Mortuomari*. Comiti *Marchia* enu-
 ptam genuit. Altera vero pars per Margare-
 tam uxorem Ioannis *Verdon*, & ejus posteros
 qui Hiberniæ erant Constabularii, ad varias in
 Anglia familias tandem est devoluta.

C O M I T A T V S
 L O N G F O R D.



Idiæ Occidentali ad Septentriones
 jungitur Comitatus *Longford*,
 in hunc numerum providentia
 Henrici *Sidney* Proregis pau-
 cos ante annos redactus, *Anale*
 prius dictus, & à numerosa
 gente *O-Pharoll* colitur, è qua duo sunt Dyna-
 stæ, alter ad Austrum, dictus *O-Pharoll Boy*, id
 est, *Flavus*, alter ad Septentriones *O-Pharoll*
Ban, id est, Candidus, imperitat: Angli autem
 inter eos admodum pauci, & illi jam pridem
 ingressi.

Hunc Comitatum præterlabitur *Sineus* flu-
 men totius Hiberniæ nobilissimum, quod inter
Mediam & *Conactiam* interlabi diximus, Ptole-
 mæo *SENVS*, Orofio *SENA*, & nonnullis
 exemplaribus *SACANA*, Giraldo *Flumen Se-*
nenfe, accolis vero *Shannon* dicitur, id est, ut ali-
 qui interpretantur, *flumen antiquum*. E *Therne*
 montibus in Comitatu *Letrim* effunditur, con-
 tinuoque secans in meridiem agros, modo se
 in stagna refundit, modoque in angustias se
 resorbet, cumque unum & alterum lacum dis-
 fuderit, intra margines se colligens, *MACO-*
LIEVM, nunc (ut eruditissimus Geographus
 G. Mercator observavit) *Malc*, cujus meminit
 Ptolemæus, invisit, statimque ab altero spa-
 tioso lacu excipitur, (*Lough Regith* appellant)
 cujus nomen & situs *RIGIAM* urbem quam
 Ptolemæus eo loci statuit, non procul abfuisse
 quodammodo subinnuit. Vbi vero lacum
 hunc prætervectus angustiori alveo intra ripas
 se colligit, *Athlon* opidum illi infidet, de quo
 suo loco. Inde vero *Sineus* superata ad *Killoloe*
 cataracta, de qua mox dicendum, maximarum
 navium capax diducto alveo *Limiricum* urbem
 amplectitur, de quo jam diximus. Hinc per
 sexaginta plus minus milliaria *Senus* rectus,
 grandis, & insulosus in Occasum properat, &
 ubicunque reciprocante æstu sit vadus, præ-
 fidiaria castellula ad cohibendos prædonum
 transitus majorum cura disposita fuere. De-
 mumque in Oceanum Occidentalem vasto
 ostio ultra *Knoc Patric*, id est, *Patricii collis* evol-
 vitur. Sic enim *Nechamus* locum illum vocat
 in his de *Sineo* versiculis:

Fluminibus magnis letatur Hibernia, Sineus
Inter Connatiam, Momoniamque fluit.
Transit per muros Limirici, Knoc Patric illum
Oceani clausum sub dirione videt.